



後村先生集

長短句三

滿江紅

金甲瑯戈記當日。轅門初立。磨盾鼻。一揮千紙。龍蛇猶濕。
鐵馬曉嘶。營壁冷。樓船夜渡。風濤急。有誰憐猿臂。故將軍。
無功級。平戎策。從軍什。零落盡。慵收拾。把茶經。香傳時。
時溫習。生怕客談榆塞事。且教兒誦。花間集。嘆臣之壯也。
不如人。今何及。

又

二月廿四夜
海棠花下作

老子年來頗自許。心腸鐵石。尚一點。消磨未盡。愛花成癖。
懊惱每嫌寒勒住。丁甯莫被晴烘斥。奈暄風烈日太無情。
如何得。張畫燭。頻頻惜。憑素手。輕輕摘。更幾番。雨過彩。

雲無迹，今夕不來花下飲。明朝空向枝頭覓，對殘紅滿院。杜鵑啼，添愁寂。

又題梅

谷

赤日黃埃，夢不到清溪翠麓。空健羨君家別墅，幾株幽獨。骨冷肌清，偏要月天寒日莫。尤宜竹想主人杖屨，繞千回。山南北。甯委澗，嫌金屋。甯映水，羞銀燭。嘆出羣風韻，背時裝束。競愛東隣，姬傅粉，誰憐空谷。人如玉。笑林逋何遜，謾為詩，無人讀。

又送宋惠父

入江西幕

滿腹詩書，餘事到穰苴兵法。新受了烏公書幣，著鞭垂發。黃紙紅旗，喧道路，黑風青草空巢穴。向幼安宣子頭頂行，方奇特。谿峒事，聽儂說。龔遂外，無長策。便獻俘非勇，納

降非怯。帳下健兒，休盡銳。草間赤子，俱求活。到崆峒快寄，凱歌來，寬離別。

又

落日登樓，誰管領倦遊狂客。待喚起滄浪漁父，隔江吹笛。看水看山，身尚健。憂晴憂雨頭先白。對暮雲不見故人來，遙天碧。山中鶴，應相憶。沙上鷗，渾相識。想石田茆屋，草深三尺。空有髻如潘騎省，斷無面見陶彭澤。便倒傾海水，浣衣塵，難滌滌。

又送王

實之

天壤王郎，數人物方今第一。談笑裏風霆，驚座雲煙生筆。落落元龍，湖海氣琅琅。董相天人策，問如何，十載尚青衫。諸侯客，易愛底。些官職，難保底。些名節，擬閉門投轄。劇

談三日。疇昔評君天下寶。當為天下蒼生惜。向臨分煉。慨
出商聲。推金石。

又壽王實之

鶴馭來時長占定。一年清絕。九萬里。織雲收盡。帝青空閣。
月露偏為丹桂地。風霜欲放黃花節。聽玉笙。縹緲度。緱山。
吹初徹。曾直把龍鱗批。曾戲取鯨牙拔。向絳河濯足。咸
池晞髮。俗子底量吾輩事。天仙不在臞儒列。世豈無瑤草
與蟠桃。堪攀折。

又和王實之韻
送鄭伯昌

怪風盲雨。留不住。江邊行色。煩問訊。冥鴻高士。釣鰲詞客。
千百年傳吾輩話。二三子繫斯文脉。聽玉郎一曲玉簫聲。
淒金石。晞髮處。怡山碧。垂釣處。滄浪白。笑而今。拙宦當

年遺直。只願常留相見面。未宜輕屈平生膝。有狂談欲吐
且休休。驚隣壁。

又四首並
和實之

往往封章。曾聳動君王顏色。今似得三閭公子。四明狂客。
古不能箝言者口。天方欲壽中朝脉。算人間。豈有病無醫。
須鐵石。年冉冉。袍猶碧。心耿耿。頭先白。笑臣舒迂緩。臣
山愚直。拂袖歸來。羞炙手。望塵拜了。難伸膝。把富春瀨。與
首陽山圖齋壁。

又

三黜歸來。飯蔬食。渾無愠色。中年後。家如旅舍。身如行客。
軒冕豈非疣贅具。煙霞已是膏盲脉。有些兒。隙地更疏泉。
堆卷石。隣媪餉。新筍碧。溪友賣。鮮鱗白。向陳編。冷笑孔

明元直俗筆不教污兩耳。燕居聊可盤雙膝。取當年行脚一枝筇。懸高壁。

又

疇昔傳臚。仗下奏祥雲五色。何況是西子弟子。鶴山賓客。上帝照臨忠義膽。老師付受文章脉。問此君彷彿似何人。徂徠石。園官菜。登盤碧。田舍米。翻匙白。懶投詩見素。寄書杓直。德耀不嫌為隱髻。龜兒已解搖吟膝。有誰憐給札。老相如家徒壁。

又

下見西山料他日。面無慚色。君記取。不為呂黨亦非秦客。檜客有意挽回當時事。無方延得諸賢脉。笑海波渺渺。幾時平空啣石。園五畝。紛紅碧。家四世。傳清白。任天孫笑。

拙女嬃嫌直。老去何煩援以手。向來不要加諸膝。待深山深處著茅齋。看青壁。

又壽唐夫人

八十加三人。盡訝還童返少。爭信道。夜春曉。織總曾經了。凜凜共姜當日誓。諄諄孟母平生教。到如今。象服擁魚軒。天之報。如船藕。如瓜棗。斑衣舞。金鐘醕。望秋霄。一點老人星。照塵世。少如娘。福壽上蒼知。得兒忠孝。待看他孫子。又生孫。添懷抱。

又

和叔永吳尚書時
吳喪少子

著破青鞵。渾不憶踏他龍尾。更冷笑癡人擘劃。二三百歲。殤子彭錢。誰壽夭。靈均漁父。爭醒醉。向江天極目羨禽魚。悠然矣。杯中物。姑停止。床頭笏。聊拋廢。慨事常八九。不

如人意。白雪調高。尤協律。落霞語好。終傷綺。狩煩公老子。
一摩挲。文公記。

又丹桂

昨日梢頭點點似玉塵。珠礫一夜裏。天公染就金丹顏色。
體質翻嫌西子白。濃粧却笑東隣赤。儘重重簾幙不能遮。
香消息。寒日短。霜飛急。未搖落。須憐惜。且亂簪。破帽旋
呼鳴。瑟便好移來雲月地。莫教歸去。旃檀國。怕彩鸞。隱現
霎時間。尋無迹。

又

禱祝封姨。休把做揚沙吹礫。費西帝許多薰染。濃香深色。
滿插銅匱。芳氣烈。高張畫燭。祥光赤。向來生鼻觀。細參求
三千息。人老大年華。急花妖豔。天公惜到一枝搖落。千

林蕭瑟。摘蕊莫教輕糝。地返魂。依舊能傾國。待彩雲月下
再來時。尋陳迹。

又

月露晶英融結。做秦宮。塊礫長殿後。一年芳事。十分秋色。
織女機邊。雲錦爛。天台賦裏。晴霞赤。恍女仙空際。駕翔鸞
休息。粧束晚飄零。急今不樂空。追惜欠紅。按舞朱
絃調瑟。豈是時無花鳥。便是他。自擇風霜國。任落英狼籍。
委蒼苔。稀行迹。

又

誰把靈。點化了荒園瓦礫。奇特處。恰當秋杪。不爭春色。
因甚素娥脂粉。豔怪他。白帝車旗赤。嘆莫年無句。比紅兒
芳心息。狂飈起。行雲急。開與謝。俱堪惜。喚妓行。按酒客。

來操瑟撲鼻微香薰世界解顏一笑迷人國怕忽忽歸去
廣寒宮難踪跡

又

楮葉工夫辛苦似鏤冰收礫君看取天公巧處自然形色
髮絲已非前度綠眼花休問何時赤又誰能月下待紅娘
傳音息投轄飲追歡急持帚掃癡心惜有墮篋諧律不
消筭瑟點點散來居士室叢叢生占騷人國便高燒絳蠟
寫烏絲留真迹

又

糝徑紅莫要放兒童拋礫知渠是仙家變幻佛家空色
青女無端供剪綵紫姑有曾迷赤但雙雙戲蝶繞空枝
飛還息鯨量減駒陰急芳事過餘情慢新腔窈渺奏

雲和瑟飄蕩隨他紅葉水蕭條化作青蕪國憶橋邊池上
共攀翻空留迹

又端午

梅雨初收渾不辨東坡南蕩清旦裏鼓橈動地車輪空巷
畫舫漸稍京輦俗紅旗會踏吳兒浪共葬漁娘子斬蛟翁
窮懽賞麻與麥俱成長蕉與荔應來享有纍臣澤畔感
時惆悵縱使菖蒲生九節爭如白髮長千丈但浩然一笑
獨醒人空悲壯

又丁巳
中秋

說與行雲且就嫦娥今夕俄變現金蛇能紫玉蟾能白
九萬里風清黑香三千世界純銀色想天寒桂老已吹香
堪攀摘湘妃遠誰鳥瑟桓伊去誰吹笛嘆素光如舊朱

顏非昔老去歡悰無奈減向來酒量常嫌窄倩何人天外
挽冰輪應留得

又林元質侍郎生日
四月二十九日

天上人間好時節無過初夏君記取瞿曇生後純陽來也
風骨清臞如野鶴門庭低小才旋馬更旁無紅粉有青奴
堪娛夜 鯨口吸銀瓶瀉蠅頭字篝燈寫數而今鐵筆誰
如公者便合去開丞相閣未應牽入耆英社待調羹事了
却歸來尋前話

又慶抑齋元
樞八十

屈指耆英誰似得三朝元老尚留個管夷吾在何憂江表
世道方占公出處裔夷爭問今年貌怎不移此手整乾坤
長閒了 靈壽却斑衣繞如瓶李如瓜棗把禪龕閉定怕

蒲輪到師尚父年渾未艾中書令考猶為少看畫盆歲歲
俗成元添懷抱

又次韻徐使君
癸亥燈夕

笳鼓春城處處有豐年語笑渾忘却金蓮前導青藜下照
白雪唱來偏寡和朱顏老去難重少羨遨頭四十已專城
真英妙 奎文寵崇儒教田 喜寬租詔有春陵之什無
潮州怪表雨盲風稀發作華星秋月爭光耀看來年此夜
待端門開佳兆

又再和

奎墨西來落甲處親蒙天笑誰信道郡人生怕福星移照
賓客唱余還和汝使君安老兼懷少况醉能同樂醒能文
新腔妙 無諸國漸聲教元結輩宣明詔恍夢中遼鶴重

來華表一琅勘書殊簡徑萬燈侍輦曾榮耀怪晴簷乾鵲
語查查公歸兆

又傅相生

日癸亥

江公惟公爭些子吾其衽髮談笑裏旋頭迅掃斗杓旋幹
投一粒丹元氣轉下三數著輸棋活把晉朝王謝傳同看
誰優劣 飛凱 清夔峽蠲和糴寬畿浙有三千功行待
說玉笋滿斟長壽酒水輪 借中秋月更慈幃喜見
鳳將雛添丹穴

又傅相生

日甲子

現宰官身出隻手擎他宇宙籌邊外招徠名勝登崇勲舊
不下萊公扶景德又如涑水開元祐儘從渠干贄及吾門
歸斯受 上林苑多花柳祁連塞希刁斗更紅旗破賊黃

雲棲畝阿母瑤池枝上實仙人太華峯頭藕瀉銅盆沆瀣
入金卮為公壽

又

禮樂衣冠渾靠定堂堂國老出雙手把天裂處等閒補了
謝傅東山心未遂周郎赤壁猶小事難於張趙兩元台功
扶炎紹 恢鶴禁迎商皓開兔苑延枚 喜奎星來聚旄
頭都掃重譯爭詢裴令貌御詩也祝汾陽老更何須遠向
海山求安期棗

又海棠

壓倒羣芳天賦與十分穠豔嬌嫩處有情皆惜無香何慊
恰則誰如針粟大忽然誰把胭脂染放遲開不肯墜梅花
羞寒儉 時易遇春難占歡事薄才情欠覺芳心欲訴冶

容微斂四畔人來攀折去一番兩有離披漸那堪幾陣夜
來風吹千點

又離別

嫌殺雙輪駕行客之燕適粵也不喜船兒無賴載他江浙
蕩子不歸鴛被冷昭君遠嫁羶車發嘆子規聞管昔人愁
啼成血 渭城柳爭攀折關山月空圓缺有琵琶改語錦
書難說若要人生長美滿除非世上無離別算古今此恨
似連環何時絕

水龍吟

己亥自
壽二首

年年歲歲今朝左弧懸罷渾無事吾哀久矣我長安在老
之將至懶寫京書怕看除目敗人佳思把東籬掩定北窗
開了悠然酌頽然睡 客有過門投贄道先生訪華胥氏

誰能辛苦陪他綺語記他奇字屈指先賢戴花老監豈其
苗裔待異時約取寬夫彥國入耆英會

又

先生放逐方歸不如前輩抽身早臺郎舊秩看來俗似散
人新號起舞非狂行吟非怨高眠非傲嘆終南捷徑太行
盤谷用卿法從吾好 聞了草廬長嘯後將軍來時休報
床頭書在古人出處今人非笑製個談詞呷些薄酒野花
簪帽願雲臺任滿又還因任賽汾陽老

又自和前
二首

病翁一榻蕭然劉屏山
號病翁不知世有歡娛事雀羅庭院載醪
客去催租人至報答秋光要些酒量要些詩思奈長鯨罷
吸寒筇息響茶甌外惟貪睡 窮巷革無干贄或相遇莫

知誰氏柴門草戶闕人守舍任伊題字自和山歌國風之
變離騷之裔待從今向去年年強健插花高會

又

平生酷愛淵明偶然一出歸來早題詩信意也書甲子也
書年號陶侃孫兒孟嘉甥子疑狂疑傲與柴桑樵牧斜川
魚鳥同盟後歸于好除了登臨吟嘯事如天莫相諮報
田園閒靜市朝翻覆回頭堪笑節序催人東籬把菊西風
吹帽做先生處士一生一世不論資考

又

辛亥安
晚生朝

祁公一度貂蟬先生三度貂蟬了燔柴升輅銀蟾燭夜金
烏騰曉喜動龍顏瑞班玉歸功元老縱擎天力倦明農
心切先還取中書考末著留侯難辨算除非煩他商皓

紫芝產遍赤松待久何時高蹈人世無過魚羹飯美布衾
銘好待角巾東路蹇驢北阜伴公游釣

又

癸丑生日時
再得明道詞

依然這後村翁阿誰改換新曹號虛名砂礫旁觀冷笑何
曾明道吟歇後詩說無生話熟瞞村被兒童盤問先生
因甚身頑健年多少不如園公芝草不曾餐安期瓜棗
要知甲子陳搏差大邵雍差小肯學癡人據鞍求用染髭
藏老待眉毛覆面看千桃謝閱三松倒

又

丙辰
生日

兒童不識樗翁挽衣借問年今幾小如彥國如大君實披
襟高比德業天淵有些似處鬚眉而已願老身無事小車
乘興名園內行窩裏做取出關周吏莫做他下山園綺

從人謗道是浮邱伯是庚桑子背偃肩高幅巾藜杖敝袍
穿履向畫圖上面十分似個現端門底

又

即今七十平頭豈能久作人間客左車牙落半 臂小幾
莖鬚白挾種樹書舉障塵扇著遊山屐任蛙蟆勝負魚龍
變化儂方在華胥國 大功名官職眼中花須臾無迹
小兒破賊二郎作相有何奇特同輩蕭疎且留鐵漢安摩
銅狄向寶釵樓裏天津橋上月明橫笛

又 丁巳
生日

不須更問旁人勸君自拂青銅照幅巾短褐有些野逸有
些村拗兩度呼來也曾批勅也曾還 笑先生此手今堪
何用苔磯上堪垂釣 白雪新腔高妙把儂家調 稱道

六韜未試抑詩未作如何歸老玉帶金貂星兒快活天來

煩惱待自箋年甲繳還官職換山翁號

李建勳云幸有山翁號如何不見呼

又 徐仲晦方蒙仲各和余去歲笛字韻為壽戲答二首

行藏自決於心不消謀及門前客平生

著書元晏挂

冠貞白帝獎孤高別加九錫一節雙屐更賜之車服胙之
茅土依稀在槐安國 頻領竹宮清職仰飛仙猶龍無迹
與誰同去挑包 甲負轅班特蹉過明師且尋狎友杜康
儀狄笑謝公曠達莫年垂泪聽桓郎笛

又 方蒙仲王景長和余丁巳詞走筆答之

先生避謗山栖戒門不納高軒客誰歟來者吟詩張碧詠
諧侯白禮數由他謝郎著貌王郎穿屐且問花隨柳舉杯
邀月那須與人家國 用桓香案旁邊供職鳥飛空何曾留

迹矐翁鐵漢兩賢安在百夫之特但願王師早俘頡利早禽長狄便太平無事賣薪沽酒騎牛腰笛

又

當年玉立清揚屋梁落日偏相照而今衰颯形體百醜懷十拙久已飾巾尚堪扶杖聽山東詔儘後車載汝營邱封汝何必在磻溪釣晚晤丹書元妙懶從他鍾離傳道不論資望推排也做五更三老宋玉多悲唐衢喜哭好閒煩惱問天公斷散人二字賜龜蒙號

又

此翁飽閱人間三生似是劉賓客若論輩行早陪韓柳晚交元白老矣安能為人取履與人爭屐嘆酒泉郡遠醉鄉路絕今何處堪開國解去冰銜華職徧空山難尋行迹

道旁喘月田間卧草也勝郊特宰相

周公留召婁公

容狄喜時平身健三行社飲一聲樵笛

又

病夫髻秃顏蒼不堪持向清溪照一生枘鑿壯夫嗔懦通人懶拗讓當行家勒渚西頌草淮南詔幸脫離沮洳浮游江海悠然逝毋吞釣宴坐蒲團觀妙怪癡兒舂糧求道古人尚齒迎他商皓拜他龐老鳩杖蒲輪把身束縛替人愁惱為僧不了下梢猶要紫衣師號

余以年勞該賜龜紫

又

林中書生日六月十九日

虞齋不是凡人海山僊聖知來處清英融結佩瑤臺月飲金莖露翰墨流行禁中有本御前停箸向宏文館裏薰風殿上親屬和微涼句已被昭陽人妬更那堪去

曾傳寶苑曾將玉杵付長生免地覆天翻河清海淺朱顏
常住算給扶朝者臨雍拜者下梢須做

又丁卯
生日

此翁幸自偏盲那堪右目生微翳羽流禳謝縉郎懺悔天
乎無罪客曰不然也因口腹也因瞻視汝夜披黃卷日餐
丹荔貽伊戚將誰懟長智都緣更事盡今生十分珍衛
莫年怕殺汗青蠹簡孽紅高會也莫貪他君謨舊譜子雲
奇字特邀張司業看花題竹韓家園內韓喜張籍眸子清
朗云忽見孟生題

竹處籍詩昨日韓家後
園內看花猶自未分明

風流子白蓮

松桂參天石橋下新種一池蓮似仙子御風來從姑射
地靈獻寶坐向藍田曾入先生虛白屋不喜傅朱鉛記茂

叔溪頭深衣聽講遠公社裏素衲安禪山間多紅鶴端
相久驀地飛去踟躕但蝶戲鷺翹有時偷近旁邊對月中
乍可伴娥孤另牆頭誰肯窺玉三年俗客濃粧安知國豔
天然

滿庭芳

涼月如水素濤翻雪人世依約三更扁舟乘興莫計水雲
程忽到一州奇絕花無數多不知名渾疑是芙蓉城裏又
似牡丹坪蓬萊應不遠天風海浪滿目淒清更一聲鐵
笛石裂龍驚回顧塵寰局促揮袂去散髮騎鯨遽遽覺來
是夢鐘勒動野雞鳴

後村先生集

後村先生集

長短句四

賀新郎

吾少多奇節。頗揶揄玉關定遠。壺頭新息。一劍防身行萬里。選甚南溟北極。看雁塞銜來秋色。不但槩棋誇妙手。管城君亦自無勅敵。終賈輩。恐難匹。酒腸詩膽新來窄。向西風登高望遠。亂山斜日。安得良弓并快馬。聊與諸公角力。慢醉把關干頻拍。莫恨寒蟾離海晚。待與君秉燭遊今夕。歡易買。健難得。

又

送陳真州子華

送陳倉部知真州

北望神州路。試平章這場公事。怎生分付。記得太行山百萬。曾入宗爺駕馭。今把作握蛇騎虎。君去京東豪傑喜。想

投戈下拜真吾父，談笑裏定齊魯。兩河蕭瑟，惟孤兔問當年祖生去後，有人來否。多少新亭揮泪客，誰夢中原塊土。算事業，須由人做。應笑書生心膽怯，向車中閉置如新婦。空目送塞鴻去。

又杜子昕
凱歌

盡說和番漢，這琵琶依稀似曲。驀然絃斷，作麼一年來一度，欺得南人技短。嘆幾處城危如卵，元凱後身居玉帳。報胡兒休作尋常看，布嚴令，運奇算。開門決鬪，雌雄判，笑中有奚車。羶屋獸驚禽散，個個魏戟橫塵柄。誰了君王此段也。莫靠長江能限，不論周郎并幼度。便仲尼復起，嗟微管，馳露布，築京觀。

又跋唐伯
玉奏稿

宣引東華去，似當年文皇親擢馬。周徒步，殿上風霜生白簡。下殿扁舟已具，怎不與官家留住。古有一言腰相印，誰教他滿篋嬰鱗，疏還笏退，不回顧。新來邊報猶飛羽，問諸公可無長策。少寬明主，攀檻朱雲頭雪白。流落如今底處，但一片丹心如故。賴有越臺堪眺望，那中原莫已平安否。風色惡，海天暮。

又送唐伯
玉還朝

驛騎聯翩至，道臺家籌邊方急。酒行姑止，作麼攜將琴鶴去。不管州人垂泪，富與貴平生無味。可但紅塵難著脚，便山林未有安身地。揆白髮，兀相對。前身小范疑公是，憶當年天章閣下，建明尤偉。慶厯諸賢方得路，便不容他老子。須著放延州城裏，一語殷勤牢記取。在朝廷最好圖西

事何必向玉關外

又送黃成父還朝

飛詔從天下，道中朝名流欲盡。君王思賈，時事止今堪痛
哭。未可徐徐俟駕，好著手扶將宗社。多少法延龍象，衆聽
靈山囑付些兒話。千百世要傳寫。子方行矣，乘驄馬又
送他江南太史去。遊蘊厦老我伴身，惟有影倚遍風軒月
榭。悵玉手何時重把，君向柳邊花底問。看貞元朝士誰存
者。桃滿觀，幾開謝。

又戊戌壽張守

南國秋容晚，曉寒輕菊花臺榭。拒霜池館，試向湖山堂上
望。萬頃黃雲川遍。總喫著君侯方寸。不要漢廷誇擊斷。要
史家編入循良傳。春脚到福星現。家家香火人人願。要

還他慶元狨座。建炎蟬冕。穩奉安輿，迎兩國誰謂山遙水
遠。福壽比河沙難算。來歲而今黃花節。早驂鸞入侍瑤池
宴。風浩蕩，海清淺。

又端午

深院榴花吐，畫簾開練衣紈扇。午風清暑，兒女紛紛誇結
束。新樣釵符艾虎。早已有遊人觀渡。老大逢場慵作戲。任
陌頭年少爭旗鼓。溪雨急，浪花舞。靈均標致高如許。憶
生平既紉蘭佩，便懷椒糈。誰信騷魂千載後。波底垂涎角
黍。又說是蛟饒龍怒。把似而今醒到了。料當年醉死差無
苦。聊一笑，弔千古。

又九日

湛湛長空黑，更那堪斜風細雨亂愁如織。老眼平生空四

海。賴有高樓百尺。看浩蕩千崖秋色。白髮書生神州泪盡。淒涼不向牛山滴。追往事去無迹。少年自負凌雲筆。到而今春華落盡。滿懷蕭瑟。常恨世人新意少。愛說南朝狂客。把破帽年年拈出。苦對黃花孤負酒。怕黃花也笑人岑寂。鴻北去。日西匿。

又寄題聶侍郎鬱孤臺

絕頂規危榭。跨高寒。鳥飛不過雲生其下。斤斲無聲人按堵。翕忽青紅變化。覽城郭山川如畫。閣老鳳樓脩造手。笑談間突出凌雲厦。臺上景買無價。唾壺塵尾登臨暇。似當年滁陽太守。歐陽公也。傾倒贛江供硯滴。判斷雪天月夜。更喚起鄒枚司馬。銅雀凌波歌舞散。訪殘磚斷甃無存者。餘翰墨。被風雅。

又

動地東風起。畫橋西繞溪。桑柘漫山桃李。寂寂牆陰蒼苔暹。節印前回屐齒。驚歲月。颺馳雲。駛太息。攀翻長亭樹。是先生手種。今如此。君不樂。欲何俟。傍人錯會淵明意。笑斯翁皇皇急急。登山臨水。佳處徑呼籃輿去。彷彿柴桑栗里。從我者。門生兒子。嘗試平章先賢傳。屈原醒不若劉伶醉。判醕酌。卧花底。

又宋卷訪梅

鵲報千林喜。還猛省謝家池館。早寒天氣。要與瑤娘敘離索。草草杯盤藉地。悵減盡何郎才思。不願玉堂并金屋。願年年歲歲。花間醉。餐秀色。挹高致。西園飛蓋。東山妓問如何。半山雪裡。孤山煙外。管甚夜深風露冷。人與長瓶共

睡任翠羽枝頭多事。老子平生無他過。為梅花受取風流罪。簪白髮莫教睡。

又

溪上收殘雨。倚畫闌薄綿乍脫。日陰亭午。鬧市不知春色處。散在荒園廢墅。漸小白長紅無數。客子雖非河陽令也。隨緣暫作鶯花主。那可負甕中精。碧雲四合千巖莫。

恨匆匆。余方有事。子姑歸去。趁取羣芳未搖落。暇日提魚就煮。嘆激電光陰如許。回首明年何處在。問桃花尚記劉郎否。公莫笑。醉中語。

又和詠茶蘼

曾與瑤姬約。恍相逢翠裳搖曳。珠鞦聯絡。風露清冥非人世。攬結玉龍驂鶴。受萬朵千條纖弱。禱祝花神憐惜取。問

開時晴雨須斟酌。枝上雪莫銷却。惱人匹似中狂藥。憑危闌燭光交映。樂聲遙作。身上春衫香薰透。看到參橫月落。算茉莉猶低一著。坐有緜山玉郎子。付玉簫度曲難為醉。君不飲。鑄成錯。

又用前韻賦黃茶蘼

想赴瑤池約。向東風名姬駿馬。翠鞵金絡。太液池邊鵲羣下。又似南樓呼鶴。畫不就濃纖嬌弱。羅袖封香來天上。瀉銅盤沉瀝供清酌。春去也。被留却。芳魂再返應無藥。似詩詠綠衣黃裏感傷而作。愛惜尚嫌蜂採去。何況流鶯蹴落。且放下珠簾遮著。却却江南黃九外。有何人敢與花酬酢。君認取。莫放錯。

又再用約字

淺把宮黃約細端相普陀煙裏金身珠絡萼綠華輕羅襪
小飛下祥雲仙鶴朶朶賽蜂腰纖弱已被色香撩病思儘
驚兒酒美無多酌看不足怕殘却人間難得傷春藥更
枝頭流鶯呼起少年狂作留取姚家花相伴羞與萬紅同
落未肯讓臘梅先著樂府今無黃卷子綉手問斯人清唱何人
醉休草草認題錯

又客贈
芍藥

一夢揚州事畫堂深金瓶萬朶元戎高會座上祥雲層層
起不減洛中姚魏嘆別來後關山迢遞國色天香何處在想
東風猶憶狂書記驚歲月一彈指數枝清曉煩馳騎向
小窗依稀重見蕪城妖麗料得花憐儂消瘦儂亦憐花憔悴
花漫悵望竹西歌吹老矣應無騎鶴日但春衫點點當時

泪那更有舊情味

又郡宴
和韻

草草池亭宴又何須珠鞵絡臂琵琶遮面賓主一時詞翰
手倏忽龍蛇滿案傳寫處塵飛鶯囀但得時平魚稻熟這
腐儒不用青精飯陰霧掃霽華見使君償了豐年願便
從今也無敲朴也無厨傳試拂籠紗看壁記幾個標名渠
觀想九牧聞風爭羨此老飽知民疾苦早歸來載筆薰風
殿詩有諷賦有勸

又再和
前韻

夢斷鈞天宴怪人間曲吹別調局翻新面不是先生瘖啞
了怕殺烏臺舊案但掩耳蟬嘶禽囀老去把茆依地主有
瓦盆盛酒荷包飯停造請免朝見少狂誤發功名願苦

貪他生前死後，美官佳傳。白髮歸來還自笑。管轄希夷古
觀，看一道水街，堪羨妃子將軍。嗔未已，問匡山何似金鑾
殿。休更待杜鵑勸。

又題滿
潤寺

風露馳炎毒，記仙翁飄然謫墮。吹笙騎鶴，歷歷漢初秦季
事。山下瓜猶未熟，過眼見羣雄分鹿。想得拂衣游汗漫，試
回頭劉項俱蠻觸。斫鯨膾，脯麟肉。越人好事，因成俗。擁
遨頭如雲士女。山南山北，問訊先生無恙否。齊魯干戈滿
目。且遊戲扶胥黃木，不是世無瓜棗。便有來肯飽癡兒
腹。聊舉酒笑相屬。

又王實之喜余出嶺命愛姬
歌新詞以相勞輒次其韻

此腹元空洞，少年時諸公遇矣。上天吹送，老大被他禁害。

殺身與浮名孰重，這鼓笛休休拈弄。綵筆擲還殘錦去，用
淹鮑願願今生來世無妖夢。且飯犢，莫吞鳳。新來瘖啞如
翁仲。羨王郎驂鸞縹緲，玉簫吹動，應笑夔州村裏女。災面
生愁進奉，要絕代傾城安用。今古何人知此理，有吾家酒
德先生頌，三萬卷，慢充棟。

又蒙恩主崇禧
再用前韻

主判節君洞，有簷間查查喜鵲。曉來傳送，幾度黃符披戴
子。此度君恩越重。僕五任祠廟一南岳二仙被賀監天隨
調弄，做取敬人千百歲。笑渠儂一霎邯鄲夢。歌而過鳳兮
鳳。灌園織屨希陳仲。問先生加齊卿相，可無心動。除却
醴泉中太乙，揀個名山自奉。那捷徑輸他藏用。有耳不曾
聞黜陟，免教人貶駁徠頌。服蘭佩，結茅棟。

又三和

謫下神仙洞，更遭他擲揄黠鬼。路旁遮送，薄命書生雞肋。爾却笑尊拳忒重，破故紙誰教結弄。一枕茅簷春睡美，便周公大聖何須夢。門外客，任題鳳。卜隣羊仲并求仲，願春來西疇雨足。土膏犁動，白髮巡官占歲稔，不問京房翼奉。棹與甕從今無用，醉與老農同擊壤。莫隨人投獻嘉禾，頌在陋巷勝華棟。

又席上聞歌有感

妾出於微賤，少年時朱絃彈絕。玉笙吹遍，粗識國風關雎。亂羞學流鶯百轉，總不涉閨情春怨。誰向西隣公子說，要珠鞍迎入梨花院。身未動，意先懶。主家十二樓連苑，那人人靚粧按曲。繡簾初卷，道是華堂簫管唱，笑殺雞坊拍袞。回首望侯門，天遠。我有平生離鸞操，頗哀而不愠。微而婉，聊一奏，更三嘆。

又生日用實之來韻

鬢雪今千縷，更休休癡心默望。故人明主，晚學瞿聃無所得。不解飛昇滅度，似曉鼓鼙。搗五散盡，朝來湯餅客。且烹雞要飯，節容母，怕回首，太行路。麟臺學士微雲句，便尊前周郎復出。審音無誤，安得春鶯雪兒輩，輕拍紅牙按舞也。莫笑儂家蠻語，老去山歌尤協律。又何須手筆如燕許，援琴操，捉箏柱。

又再用前韻

放逐身蓋縷，被門前羣鷗戲狎。見推盟主，若把士師三黜比。老子多他兩度，袖手看名場呼五。不會車邊望塵拜，免

他年青史羞潘母，勾曲洞是歸路。平生怕道蕭蕭句，况
新來冠欹弁側，醉人多誤。管甚是非并禮法，頓足低昂起
舞。任百鳥喧啾春語，欲託朱絃寫悲壯。這琴心脉脉誰堪
許。君按拍，我調柱。

又

實之三和慶邊
之語走筆答之

國脉微如縷，問長纓何年入手。縛將戎主，未必人間無好
漢。誰與寬些尺度。試看取當年韓五，豈有穀城公付授也。
不干曾遇驪山母，談笑起兩河路。少時棋枰曾聯句，嘆
而今登樓攬鏡，事機頻誤。聞說北風吹面急，邊上衝梯屢
舞。君莫道投鞭虛語，自古一賢難制難。有金湯便可無張
許。快投筆，莫題柱。

又

四用縷字韻
為王實之壽

萬字如鍼縷，憶王郎丹墀大對，氣為文主。貴近旁觀俱失
色，仰止如天聖度。笑杜牧成名居五，晚面清光猶苦諫，似
封人懇切。君言母，謫塵世，錯行路。當時宜和薰風句，又
那知青雲一跌，被才名誤。輸與靈和殿前柳，柔軟隨風學
舞。怪語鳥新來停語，不是先生高索價。問何時宰相先生
許。舉杯祝，莫傾柱。

又

實之用前韻為
老者壽戲答

身畔無絲縷，但從前練裳練悅，做他家主。甲子一周加三
紀，烏兔走飛幾度。賽孔子如來三五。徐陵云小如來五
歲多孔子三年鶴
髮蕭蕭無可截，要一杯留客，慚陶母。門外草欲迷路，朗
吟白雪陽春句。待夫君驪駒不至，鵲聲還誤。老去聊攀萊
子例，倒著斑衣戲舞。記田舍火爐頭語。肘後黃金腰下印，

有高堂未敢將身許且扇枕莫倚柱

又張倅
生日

輦路東風裏試回頭金閨昨夢侵尋三紀歲晚歸然靈光
殿僕與君侯而已漫過眼幾番桃李珠履金釵常滿座問
誰人得似張公子馳騏驎佩龜紫宿雲收盡簷聲止玳
筵開高臺風月後堂羅綺恰近浴人脩禊節莫惜飛觴臨
水怕則怕追鋒徵起此老一生江海客願風雲際會從今
始甯鬱鬱久居此

又九日與二弟
二客郊行

老去光陰駛向西風林變纈殘霞成綺尚莫年腰脚
健不礙登山臨水算自古英雄能幾客與桓公俱臭腐獨
流傳吹帽狂生爾後來者亦猶此籃輿伊軋柴桑里問

黃花沒些消息空籬而已賴有一般芙蓉月偏照先生懷
裏且覓個闌干同倚檢點尊前誰見在憶平生共插茱萸
底歡未足飲姑止未草追懷無
競處和二弟

又己未九日同季弟子姪飲倉
部弟免菴良翁宮教來會

憶昔俱年少向斯人登高懷古賦詩舒嘯追數尊前插花
客人物並皆佳妙禁幾度西風殘照元子寄奴曾富貴到
而今一一消磨了君不樂後人笑山南山北添華表嘆
歸來謝池草合黃臺瓜少老去受持齋物論誰管彭殤壽
天待細說教天知道不羨兩蘇并二宋願弟兄歲歲同吹
帽盃到手莫辭醕

又居厚良翁皆
和余亦繼作

何必遊嵩少屋邊山松風浩蕩虎龍吟嘯舊效楚人悲秋

作晚愛陶詩高妙髮如此臨流羞照屈指向來夸毗子被
西風一筆都勾了曾不滿逢人笑 當年玉振於江表悵
而今老身空在歡娛全少假使真如彭祖壽蒙叟猶嗤渠
天偶露華不經人道歲晚連床談至曉勝岡頭出沒看烏
帽君舉白我頻醺

又

人老難重少強追陪李侯痛飲劉郎清嘯與兄也報答秋
琨弟也
光無一字虛說君房語妙且匣起青銅休照賴有多情籬
下菊待西風不肯先開了留晚節發孤笑 孔璋客紹衡
依表有誰憐戴花翁病插萸人少生不逢場閒則劇年似
龔生猶天吃緊處無人曾道到得扶他迂叟出算貂蟬未
抵深衣帽街酒賤更沽醺

又四用韻

猶記臣之少興狂時過陳遵飲對孫登嘯歲晚登臨多感
慨但覺齊山詩妙任蓉月柳風吹照金印不來丹飛去擬
神仙富貴都差了空鑄錯與人笑 九年前拜懸車表試
回看柴桑菊老元都花少周也曾言殤子壽佛似白頭為
天未得平生心
白頭亦為天末後句巖頭曾道頭似禿鷲巾裹懶最不
宜蟬冕宜僧帽杯中物直須醺

又五用韻讀坡公和陶詩其九篇
為重九作乃敘坡事而賦之

行樂尤宜少憶坡公洞簫聽罷劃然長嘯四海共知霜鬢
滿莫問近來何妙也不記金蓮曾照老沒太官餤酒分把
茱萸便準登高了齊得喪等嘻笑 集無韓子潮州表數
當時南遷者衆北歸人少赤壁玉堂均一夢此豈蠻煙能

天與同叔俱嘗知道誰向進賢冠底說畫出來不似眉山帽秋菊瓊獻公醕

又六用韻敘謫仙事為宮教兄壽

鵬賦年猶少初為大鵬遇希有鳥賦後悔少作改為大鵬賦晚飄蓬夜郎秋浦漁

歌猿嘯猿嘯風中斷漁歌月下聞見太白詩駿馬名姬俱散去參透南華微

妙斂萬丈光芒迴照妃子將軍嗔個甚老先生拂袖金閨

了供玉齒粲然笑解驂賴有汾陽老嘆今人布衣交薄

綈袍情少黃祖斗筲何足算鸚鵡才高命天與賀監共歸

同道脫下錦袍與獸底謫仙人白紵烏紗帽題太白像烏紗之中白紵

袍邀素月入杯醕

又傅相生日壬戌

低局從頭解危機除非喚取國棋未著不信胡兒能膽大

南岸安他陣脚談笑裏烏巢空幕西起岷峨東海岱有捷

旗露布無宵柝羊渭後到秋壑淮田犁遍吳田問臺

家山河宇宙是誰擎託自覺懷中殘錦盡采色彰施技薄

視柳雅韓碑矐若稽首魯公黃髮頌世人何堪繼奚斯作

楚狂語莫刪却

又癸亥九日

宿雨輕飄洒少年時追歡記節同人於野老去登臨無脚

力徙倚屋東籬樹但極目海山如畫千古惟傳吹帽漢大

將軍野馬塵埃也須綵筆為陶寫鶴歸舊里空悲咤嘆

原頭累累高塚洛英凋謝留得香山病居士却入漁翁保

社悵誰伴先生情話樽有蒲萄簪有菊西涼州不似東籬

下休喚醒利名者

又

拂袖歸來也懶追陪竹林嵇阮蘭亭王謝誰與此翁相煖
熱賴有平生伯雅且放意高吟閒話山鳥山花皆上客又
何須勝似公榮者胸磊砢總澆下 盤龍癡絕求鵝炙這
先生黃齏甕熟味珍無價酒頌一篇差要妙莊列諸書土
苴任禮法中人嘲罵君特未知其趣耳若還火急來投社
共秉燭惜今夜

又甲子
端午

過眼光陰駛憶垂髫留連節物逢場游戲初試練衣弄紈
扇鬪綵菖蒲澗裏今髮白顏蒼如此艾子蕭郎方用事怪
先生苦死紉蘭芷君不樂欲何俟 頭標奪得羣兒喜向
溪邊旁觀助譟嘆吾衰矣欲建鼓旗無氣力喚起龍泉改

委

水心評余詩有建大將
旗鼓非子孰當之語

但酒戶加封而已

去秋禮需余
忝加三百戶

晚覺醉鄉差快活那獨醒公子真歎底聊洗淨笛箏耳

又二鶴

家有仙禽二早追隨先生杖履互鄉童子旦旦池邊三薰
沐夜夜山中警睡且伴我人間遊戲此老生平哀大陸到
末稍始憶華亭唳評往事敗佳思 古云鶴算誰能紀嘆
歸來山川如故人民非是但願主君高飛去莫愛乘軒祿
位更賽過令威千歲假使焦山真羽化待華陽貞逸銘方
瘞我拍手渠展翅

洞仙歌

癸亥生朝和居厚
弟韻題謫仙像

上林全樹曾借君栖宿朝過瑤臺莫羣玉忽翩然脫下宮
錦袍來却向齊州受籙 等閒揮醉筆效唾千篇長與詩

家膏馥身是酒星文星剛被詩人喚做禁中頗牧便散
髮騎鯨去何妨從我者誰歟安期徐福

又和居厚
弟韻

眇難攬鏡跛更難穿履賴有胡公菊潭水信醫言斷了重
碧輕紅禁害殺不遣高吟大醉古來稀七十多許多年
贏得箋天致君事莫問客去門前金盡床頭留寶扇御書
珍秘疇昔暮年乘崖老尚書到晚節依稀有些兒似

後村先生集

後村先生集

長短句五

八聲甘州 雁

物微生處遠往還來非但稻梁求似愛長安日怕陰山雪
善自為謀箇裏幸無鳴鏑隨意占沙洲歸與何妨待風景
和柔昔到衡陽回去今隨陽避地徧海南頭與西川流
寓彼此各淹留未得雲中消息登望鄉臺了又登樓江天
濶幾行草字字字含愁

燭影搖紅

用林
卿韻

拙者平生不曾乞得天孫巧那回忝扈屬車來豈是齊卿
小此膝不曾屈了更休文腰難運掉前賢樣子表聖宜休
申公告老涼簟安眠絕勝瀑直鈴聲攬集中大半是詩

詞幸沒潮州表月夕花朝嘆人間愁多樂少蓬萊有路辦
個船兒逆風也到

祝英臺近

雨淒迷風料峭情緒被花惱白白紅紅滿地無人掃可堪
解珮盟寒墜樓命薄更杜宇枝頭鬧
綠影繞青帘結
東匆匆轉眼朱明了怕與春辭茗芋玉川倒後期做明年
春好却不道明年人老

最高樓

戊戌自壽

南嶽後累任作祠官試說與君看仙都玉局才交卸新銜
又管華州山怪先生吟膽壯飲腸寬
去歲擁旌旗稱太
守今歲帶笈簪稱漫叟慵入惱慣投閒有時拂袖尋種放
有時攜枕就陳搏任旁人嘲潦倒笑癡頑

又

題周登樂府

周郎後直數到清真君莫是前身八音相應諧韶樂一聲
未了落梁塵笑而今輕郢客重巴人
只少個綠珠橫玉
笛更少個雪兒彈錦瑟欺賀晏壓黃秦可憐樵唱并菱曲
不逢御手與龍巾且醉眠蓬底月甕間春

又

乙卯生日

吾哀矣百事且隨緣隻字不牋天幾曾三宿為歸計更
一歲是希年記兒時聞祖父說隆乾
我不與少年爭遇
合你莫具老僧爭戒律
皺面說垂肩錦袍奪去饒之問
虎皮撒起待伊川剝空身無長物可飛仙

又

吾哀矣不慕勃燕然不愛畫凌烟此生慚愧支離叟何功

消受水衡錢錯教人占卦氣算流年 漫摘取野花簪一
朶更揀取小詞填一個晞素髮煖丹田羅浮杖勝如旌節
華陽巾不減貂蟬這先生非散聖即臞仙

又

辛亥後六請挂衣冠甲子始休官白駒恰則來空谷青牛
早已出函關笑狂生還笏易上竿難也莫愛宮中請內
相也莫愛堂中呼六丈但禱祝要癡頑懶揮玉斧重脩月
不扶鐵拐會登山免飛昇長快活戲人間

又

臣少也豪舉泛星槎飄逸吐天葩穆陵誤將推儒宿龍泉
曾喚做行家今耄矣文跌宕字麻嗒同隊者多為公與
相廣坐裏都無兄與丈生有限望猶奢補還瞎子重開卷

放教跛子出看花地行仙疑是汝不爭些

又

林中書
生日

金閨彥荷蕢過山前把釣坐溪邊呼來每得天顏笑放歸
猶作地行仙儘教人嗔避俗謗逃禪且緘了淳夫三妹
口更袖了坡公三制手甯殿後不爭先小於衛武二十歲
大於絳老兩三年這高名并上壽幾人全

風入松

福清道
中作

泉臺夜斷夢初長別館淒涼細思二十年前事嘆人琴已
矣俱亡改盡潘郎鬢髮銷殘荀令衣香多年布被冷如
霜到處同床簫聲一去無消息但回首天海茫茫舊日風
煙草樹而今總斷人腸

又

同前

歸鞍尚欲小徘徊。逆境難排。人言酒是銷憂物，奈病餘辜負金壘。蕭瑟搗衣時候，淒涼鼓在情懷。遠林搖落晚風哀。野店猶開。多情惟有燈前影，伴此翁同去同來。逆旅主人相問，今回老似前回。

又

癸卯至石塘追和十五年前韻

殘更難睡抵年長。曉月淒涼。芙蓉院落深深閉，嘆芳卿今在。今亡。絕筆無求鳳曲，癡心有返魂香。起來休鬪鬢邊霜。半被堆床。定歸兜率蓬萊去，奈人問無路茫茫。緣斷漫三彈指，憂來欲九回腸。

又

攀翻宰樹暫徘徊。草草安排。昔人徒步陳雞絮，愧公家僕馬觥罌。華目表舊愁滿目，黃梁殘夢傷懷。欲將莊列等歡

哀對卷慵開。憑高指點虛無路。問何年、遼鶴歸來。宿酒得風漸解，小輿待月同回。

臨江仙

戊申和實之燈夕

玉笛鈿車當日事。東塗西抹都曾。等閒曲子壓和凝。曲子縱遊非草草，已醉強醒醒。醒今向三家村送老，身如罷講吳僧。高樓百尺不須登。半爐燒葉火，一殘勘書燈。

又

縣圃種花

落魄長官江海客。少豪萬里尋春，而今憔悴向溪濱。斷無觴詠興，惟有簿書塵。手插海棠三百本，等閒粧點芳辰。他年絳雪映雲丁，甯風與月記取種花人。

又

庚子重陽余以漕攝帥會前帥唐伯玉前漕黃成父於越王臺明年是日寓海豐縣驛作

去歲越王臺上飲。席間二客如龍。憑高弔古壯懷同。馬嘶

千嶂莫樂奏半天中。今歲三家村市裏，故人各自西東。
菊花時節酒尊空，可憐雙雪鬢，禁得幾秋風。

又潮惠道中

不見仙湖能幾日，塵沙變盡形容。夜來月冷露華濃，都忘
卻屋下，但記畫船中。兩岸綠陰猶未合，更須補竹添松。
最憐幾樹木芙蓉，手栽才數尺，別後為誰紅。

浪淘沙

丁未生日

去歲詣公車，天語勤渠。絳紗玉斧照寒儒，恰似昔人曾夢
到，帝所清都。骨相太清臞，謫墮須臾。今年黃勅換稱呼，
只為此翁霜鬢禿，老中不書。

又

早歲類寒蛩，晚節遭逢。曾開黃卷侍重瞳，歸去青藜光照

牖，階葉翻紅。

出畫頗匆匆，主眷猶濃。除官全似紫陽翁。

寶文

漳州換個新街頭，面改又似包公。

辭郡得小龍

又

紙帳素屏遮，全似僧家。無端霜月闌窗紗，喚起玉關征戍
夢，幾疊寒笳。歲晚客天涯，短髮蒼華。今年衰似去年些，
詩酒新來俱倚闌，孤負梅花。

又

疊嶂碧周遮，遊子思家。掩藏白髮賴烏紗，落日倚樓千萬
恨，社鼓城笳。老去淡生涯，虛擲年華。臘茶孟子太清些，
待得痴兒公事畢，謝了梅花。

又素馨

目力已茫茫，縫菊為囊。論衡何必帳中藏，却愛素馨清鼻

觀採伴禪床 風露送新涼
山麝開房旋吹銀燭閉華堂
無奈紗厨遮不住 一地聞香

鳳凰閣

元規端委得似幼輿邱壑人言此輩宜高閣幾載種天隨
菊采龐公藥龍尾道難安汗脚 浮榮菌彘選甚庶官從
索對床白子真佳作安用羨伊結駟歎儂羅爵呼便了沾
來共酌

法駕導引

樵柯爛丹竈熟一跳出紅塵斗紫一雙龍奮螭帝青九萬
里為程赤脚踏層雲 鞭鸞上騎麟下彷彿覩崑崙洒馬
鬃泉蘇赤地翻蟾滴水漲滄溟笑殺惜仙人

一剪梅

袁州解印

陌上行人怪府公還是詩窮還是文窮下車上馬太匆匆
來是春風去是秋風 堦銜免得帶兵農嬉到昏鐘睡到
齋鐘不消提嶽與知宮喚作山翁喚作溪翁

又

余赴廣東寶之夜餞於風亭

束縕宵行十里強挑得詩囊拋了衣囊天寒路滑馬蹄僵
元是王郎來送劉郎 酒酣耳熱說文章驚隣牆推倒胡
床旁觀拍手笑疎狂疎又何妨狂又何妨

踏莎行

甲午重九牛山作

日月跳丸光陰脫兔登臨不用深懷古向來吹帽插花人
盡隨殘照西風去 老矣征衫飄然客路炊煙三兩人家
住欲攜斗酒答秋光山深無覓黃花處

又

巧夕

驅鵲營橋呼蟾出海朝朝莫莫遙相望誰知風雨此時來
銀河便有些波浪 玉兔迷離金雞嘲哂二星無語空惆
悵元來升降也多魔天孫長怨牽牛曠

玉樓春

戲林推

年年躍馬長安市客舍似家家似寄青錢換酒日無何紅
燭呼盧宵不寐 易挑錦婦機中字難得玉人心下事男
兒西北有神州莫滴水西橋畔泪

鵲橋仙

戊戌生朝

金風浙浙銀河淡淡長少羣賢畢會平生心事麴生知怪
此夕惺惺相對 元花生眼新霜點鬢不肯遮藏老態人
間何處有仙方擘劃二三百歲

又

桃巷弟生日

御屏錄了冰銜換了酷似香山居士草堂丹竈莫留他且
領取忠州刺史 移來芳樹摘來珍果書壓來禽青李三
千年一薦金盤又不是元都栽底

又

答桃巷弟和篇

閣中芸冷觀中桃謝誰問貞元朝士吾宗一語好書紳但
記取毋汙青史 知幾告張說語 不交王勃不效田竇也不朋他
牛李平章此去是何人似洛社戴花舞底

又

林侍郎生日

出通明殿入耆英社狂似侍郎洪福掌中元自有三珠更
檢校諸孫夜讀 管他萊相管他鶴相留我本來面目希
夷一枕未曾醒笑人世幾回翻局

又

居厚弟生日

俱登瀛館俱還洛社各自健如黃犢不消外監與留臺也
不要嵩山崇福我如原父君如貢父且把漢書重讀韓
公當局等閒過又看到溫公當局

又鄉守趙丞
相生日

去年無麥今年多稼盡是君侯心地向來寺寺總拘樁今
有不拘樁底事省倉展日米場鑄價萬落千村蒙惠叟
將補納放寬些便是個西京循吏

又庚申
生日

香芸辟蠹青藜燭閣天上寶書萬軸前回讀得米精詳更
罰走一遭重讀松風如故丹爐如故坐閱人間陵谷回
頭調戲竊桃兒且甯耐等他桃熟

又足痛

有時塊坐有時扶起門外草深三尺山禽肯喚我為哥白
句道哥行不得此兒害跛羣兒拍手次第加公九錫不
消長塵短轆車但乞取一枝鶴膝

又生日和
居厚弟

女孫筭珥男孫袍笏少長今朝咸集且留晚節伴寒香莫
要似春華性急大招吟了巫咸下了未愛脩門重入我
儂不做佛漳閩免大雪庭中欬立

又林卿
生日

一封奏御九重知己不假吹噓送上從今穩穩到蓬萊三
萬里沒些風浪臣年雖老臣卿尚少一片丹心葵向何
須遠比駱賓王且做取本朝种放

又居厚
生日

我如龔勝君如龔舍拂袖同歸鄉里共騎竹馬有誰存總
喚入耆英社裏 蒼華髮神尚黑黃婆牌神方旺爭問翁年今
幾一門兩個道人星直看見孫兒生子

又鄉守趙計院生日

蒲鞭漸弛銘笏漸少安用知他 從今也莫察淵魚做
到不忍欺田地 四民香火五營笳吹來獻一杯壽酒大
家贊祝太夫人長伴取魯侯燕喜

柳梢賀方聽蛙八十

中白苛留綺園浪出老不知羞輸與先生一枝鶴膝一領
羊裘 便教賜履營邱爭似把魚竿到頭冷落磻溪張皇
牧野著甚來由

鷓鴣天腹疾困睡和朱希真韻

前度看花白髮郎平生痼疾是清狂幸然無事汗青史省
得教人奏赤章 遊俠窟少年場輸他羣謝與諸王居人
不識庚桑楚弟子誰從魏伯陽

又戲題周登樂府

詩變齊梁體已澆香奩新製出唐朝紛紛競奏桑間曲寂
寂誰知爨下焦 揮彩筆展紅綃十分峭措稱妖嬈可憐
才子如公瑾未有佳人敵小喬

卜算子惜海棠

盡是手成持合得天饒惜風雨於花有底讐著意相陵藉
做暖逼教開做冷催教謝不負明年花下人只負栽花
者

又

片片蝶衣輕，點點猩紅小。道是天公不識花，百種千般巧。朝見樹頭繁，莫見枝頭少。道是天公果惜花，雨洗風吹了。

又

亂似盞中絲，密似風中絮。行遍茫茫禹迹來，底是無愁處。好客挽難留，俗事推難去。惟有翻身入醉鄉，愁欲來無路。

又良翁禮部生日

開閣廣延賢，負展勤求舊。應念南宮老舍人，閒袖絲綸手。兩刺必當仁，五福無過壽。且喜新年不要天，要開元祐。

又曹守生朝十月初六日

東甯馨兒南國循良守，先把爐熏祝帝堯。次祝君侯壽，廣致米商船。多釀兵厨酒，客有鬚眉似蓋延。許至華堂否。

又燕

已怪社愆期，尚喜巢如故。過了清明未肯來，莫被春寒誤。常傍畫簷飛，忽委空梁去。忘却王家與謝家，別有啣泥處。

又茉莉

老圃獻花來異域，移根至相對炎官。火織中便有清涼意，淡薄古梳粧。媚雅仙標致，欲起涪翁再品花。壓了山礬弟。

朝天子

宿雨頻飄洒，歡喜殺西疇。耕者終朝連夜，有珠璣鳴瓦。漸
白水青秧，鷗鷺下老學種花兼學稼。心兩掛這幾樹海棠
休也。

清平樂

五月十五日
玩月

纖雲掃迹，萬頃玻璃色。醉跨玉龍遊八極。歷歷天青海碧。
水晶宮殿飄香，羣仙方奏霓裳。消得幾多風露，變教人
世清涼。

又

風高浪快，萬里騎蟾背。曾識嫦娥真體態。素面元無粉黛。
身遊銀闕珠宮，俯看積氣濛濛。醉裏偶搖桂樹，人間喚
作涼風。

又

贈陳參議師
文侍兒

宮腰束素，只怕能輕舉。好築避風臺，護取莫遣鷺鴻飛去。
一團香玉溫柔笑，頰俱有風流。貪與蕭郎眉語，不知舞
錯伊州。

又

丹陽舟
中作

休彈別鶴，淚與絃俱落。歡事中年如水薄。懷抱那堪作惡。
昨宵月露高樓，今朝煙雨孤舟。除是無身方了，有身長
有閑愁。

又

居厚弟
生日

冰輪萬里雲卷天如洗。先向海山生大士。却誕卯金之子。
冰盆荔子堪嘗，膽瓶茉莉尤香。震旦人人炎熱，補陀夜
夜清涼。

又

居厚弟
生日

人間喘汗無計翻銀漢，有個玉人來震旦。燕坐補陀巖畔，
吾聞福壽難量，待看海底生桑。乞取淨瓶一滴，普教大
地清涼。

好事近

壬戌生日
和居厚弟

老不計生朝，慚愧阿連書尺。雪鬢霜髭，不管管眼腰黃赤。
待將心事自箋天，莫費公力。乞賜先生處士，換一張

黃勅。

菩薩蠻

戲林推

小鬟解事高烧燭，羣花圍繞樗蒲局。道是五陵兒，風騷滿
肚皮。玉鞭鞭玉馬，戲走章臺下。笑煞灞橋翁，騎驢風雪
中。

憶秦娥

莫春

遊人絕，綠陰滿野芳菲歇。芳菲歇，養蠶天氣，採茶時節。
枝頭杜宇啼成血，陌頭楊柳吹成雪。吹成雪，淡煙微雨，江
南三月。

又

上巳

脩禊節，晉人風味終然別。終然別，當時賓主，至今清絕。
寫就蘭亭帖，豈知留與人間說。人間說，永和之歲，暮春之
月。

又

泥滑滑，一聲齊喚征鞍發。征鞍發，客亭楊柳，不禁攀折。
荀郎衣上香初歇，蕭郎心下書難說。書難說，霎時吹散，一
生愁絕。

又

春醒薄夢中羈馬豪如昨豪如昨日明橫笛曉寒吹角
古來成敗難描摸而今却悔當時錯當時錯鐵衣猶在不
堪重著

又

梅謝了塞垣凍解鴻歸早鴻歸早憑依問訊大梁遺老
浙河西面邊聲悄淮河北去炊煙少炊煙少宣和宮殿冷
煙衰草

西江月

腰痛舊傳陳後齋
名方歲久失之

思邈方書去失休文老病來攻新年筋力太龍鍾腰
鐵

貓兒重雅拜怎生搯笏徐行也要扶筇田翁

未完

後村先生集



